



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Linda Mariana, Sive De B. Virgine Lindensi**

**Clagius, Thomas**

**Coloniae Vbiorvm, 1659**

VI. Cum sacello, etiam Tilia Mariana excisa, non tam religioni ipsius loci, quàm Catholicae in Prussia Ecclesiae imminentem portendere visa calamitatem.

**urn:nbn:de:hbz:466:1-11544**

## CAPUT VI.

Cum sacello, et jam Tilia Mariana excisa, non tam religioni ipsius loci, quam Catholica in Prussia Ecclesiæ, imminentem portendere visa calamitatem.

EXcilo dictum in modum sacello, non alia ipsam Tiliam, quæ in medio sacelli olim sita, rectumque sacelli ramis & frondibus, uti diximus, supergressa, perenni foliorum frondiumque vigore, & quadam quasi umbræ majestate, recti vicem sacello præstabat, excepit fortuna. Nam & Tiliæ ferales impiorum manus ita sunt admotæ, ut vel stirpitus evulsa, vel ad ipsas radices fuerit præcisa. Monstratur et jamnum in medio sacelli locus, quo illa (ut constantissima est omnium fama) stetisse ac viguisse olim fertur: utrum verò eodem in loco, vel ipsæ radices fuerint relictæ, mortalium nemo monstravit. Quanquam autem ipsæ quoque Tiliæ illius radices excisæ tum fuissent, Marianæ ramen Lindæ radices, quibus illa divinitus nitebatur, & nunc quoque nititur, nunquam aut excindi, aut evelli, aut etiam loco moveri potuerunt. Neque enim radices istæ, humo magis vel arenæ, quam cælo infixæ, subductam oculis corporum, subducere oculis animorum Tiliam potuerunt. Itaque non haurit illa quidem amplius, neque in truncum, vel ramos derivat, haustum de terræ venis humorem; at haurit de cælo succum, & largè, omnibus partitur mortalibus uberrimos gratiæ divinæ rivos: non viret illa quidem jam pristinâ florum aut foliorum frondiumve majestate & gloriâ; at viret nihilominus ac viget, divinæ fructibus beneficentiæ & largi-

M 4

tatis:

tatis: non tegit frondibus aut ramis eductos in altum  
 è laterculo parietes, at protegit cælestis gratiæ um-  
 brâ populos undique adductos: non præbet apibus  
 dulcem ad mellificia rorem, at præbet hominibus  
 largum ad bene agendum, beate quæ vivendum, di-  
 norum auxiliorum imbrem. Quæ profectò, si quæ  
 apud se reputaverit, Tiliam Marianam, symbolum  
 quoddam aut hieroglyphicum immortalitatis reser-  
 tate poterit. Sicut enim *Arbor quævis*, juxta S. Augu-  
 num, de verbis Apostoli (a) *speciem exprimit Resur-  
 rectionis; quia cum hiemis tempore, spoliatur pomis, nudatur  
 foliis; adveniente tamen æstate, turget in gemmis, ornatur  
 in floribus; vestitur foliis, pomis gravatur: ita Tilia Mari-  
 ana, quæ etiam radicitus evulsa, nunquam aut fructibus,  
 aut foliis & frondibus, longè, ut vidimus, divi-  
 nioribus, spoliari potuit, Immortalitatis nobis etiam  
 poterit symbolum. Ne tamen aut furori, aut potius  
 conatibus impiorum, nihil omnino videamur  
 buisse, concedamus ac fateamur Tiliam Arborem  
 non modò succisam ab iis, verùm & stirpitus reser-  
 sam fuisse; dummodo & illi, & cæteri omnes minime  
 diffiteantur, illud Tiliæ excidium, ejus (quod Cal-  
 licæ in Prussia Ecclesiæ ad tempus imminabat) exci-  
 dii, seu potius calamitatis, umbram quandam fuisse  
 non secus, atque olim Ecclesiæ Africanæ calamitatis  
 quæ per Vandalos, eorumque Regem Hunnericum  
 Arrianâ peste infectum, brevi ventura erat, per  
 versam Arborem divinitus fuit adumbrata. Nam  
 refert Victor Uvicensis histor. Vandal. lib. 1. *Vidit  
 mirabili Paulus Episcopus, Arborem, usque ad calorem**

(a) *serm. 34.*

florentibus extensam; quæ etiam dilatatione suâ, omnem  
 partem Africam opacabat. Et cum omnes eius magnitudine  
 & speciositate gauderent; ecce subito venit Asinus violen-  
 tus; qui defricans cervicem suam, super robur radicum e-  
 ius, impulsu suo, cum ingenti sonitu, illam mirabilem Arbo-  
 rem elisit ad terram. Quod si Hunnericus Rex, fortas-  
 se quia ob fœdissimam Arrianorum hæresin, ab illa  
 generosa filiorum DEI stirpe degenerarat, per Asi-  
 num fuit adumbratus; quidni is quoque, qui non mi-  
 nus degenerare Lutheri spiritu actus, Tiliam Maria-  
 nam, illam, inquam, Arborem usque ad calos ramis ex-  
 tensam, & dilatatione suâ omnem Præsiam opacantem,  
 subruic, possit, imò debeat Asinus vocari? præsertim,  
 cum etiam Darius Rex, apud Isai. 21. 7. cum suis Me-  
 dis, exprimatur per Camelum; & Cyrus cum suis  
 Persis per Asinum; vel certe per Semiasinum sive  
 Mulum; uti in suo Enthusiasmo (teste Eusebio (a) de  
 Præparat.) Nabuchodonosor Rex eum vidit, ac tuis  
 Chaldæis hunc in modum prædixit; Veniet Persa Se-  
 miasinus, qui nobis iugum servitutis imponet. Adhæc, si  
 Plato, teste Æliano (b) ob ingratitude, Aristote-  
 lem vocabat Mulum; eò quòd quemadmodum Mu-  
 lus lacte materno saturatus, matrem calcibus petit;  
 ita Aristoteles, optimis à Platone disciplinis atque  
 artibus quasi suffartus, scholam contra Platonem  
 aperuit Peripateticorum; in qua illius doctrinam at-  
 que placita oppugnavit: quidni iste, quicumque tan-  
 dem sive è Theutonico, sive quocunque tandem  
 alio Ordine fuerit, Ecclesiæ Catholicæ lacte à tene-  
 ris nutritus; adeoque ipsius Deiparæ, quæ totius Or-  
 dinis

M 5

dinis

(a) lib. 9. cap. ult., (b) lib. 4.

dinis Theutonicorum singularis patrona, & quæ  
 Mater fuit habita, beneficiis totâ retro vitâ saturata  
 tum in Ecclesiam Catholicam, quasi calce arretra  
 tum in ipsam Virginem Deiparam, mortalium  
 gratissimus, manum & arma, in Mariana ipsius  
 da strinxit, sive Mulus, sive Semiasinus audiat  
 hac super re, luculentius postmodum erit agendi  
 nunc de Tilia Mariana, quod de Rege Chaldæo  
 (in figura divinitus apud Daniele(m) (a) exhibita  
 ctum est, haud injuriâ usurpemus; præsertim, si ea  
 quod jam vidimus, & in medio terræ, quodammodo  
 sitam, & novo ac perenni radicum germine, Immo  
 talem non negemus. *Ecce Arbor, in medio terra, & altitudo eius nimia! magna Arbor, & fortis; & procentus eius contingens calum; aspectus illius, usque ad terminos universæ terra, folia eius pulcherrima, & fructus eius nimios: vesca universonum in ea, subter eam habitabant animalia & bestia; & in ramis eius conversabantur volucres: ex ea vescebatur omnis caro.* Si enim, quod Cardanus (b) & Peterius (c) memorant, Coccus Arbor Insuper plurimarum rerum humano generi necessarium completulum (nam & colorem coccineum, aquam, nigra, funes, vela, malos, clavos ac remos; & insuper tyrum, oleum, acetum, saccharum, ex ea conficitur constat) quidni ad plures longè usus, Tilia Mariana uti antea quoque vidimus, divinitus committatur mortalibus, & Arbori à Rege Chaldæo vitæ, committari queat? Quod si porro, divinâ providentiâ clarissimè sanctissimeque ita permittente, vigilat

(a) Dan. 4. 7. (b) de Variet. lib. 7. cap. 33. (c) ap. 6. Genes.

eius de celo descendit, & clamavit fortiter; & sic ait, succi-  
 dite arborem, & pracidite ramos eius, excutite folia eius;  
 quod quidem per illud Tiliæ & sacelli excidium ab-  
 unde factum fuit; nihilo tamen minus, de eadem Ti-  
 lia & sacello, ab eadem providentia, benignitate, cle-  
 mentiaque divinâ, id quod versu 12. sequitur, decre-  
 tum sancitumque fuit, *veruntamen germen radicum  
 eius in terra sinite.* Quod quidem, & toto illo excidii  
 tempore verissimum fuit, & nunc pariter est: quia  
 quoad Linda Mariana illas miraculorum divino-  
 rum, & sanitarum curationumque gratias, quas stan-  
 te Tiliâ habuit, etjam succisâ postmodum Tiliâ, reti-  
 nuit, & adhuc retinet; *germen radicum*, non modò in  
 terra relictum, verùm & in cælo, ut diximus, fixum  
 semper habuit, & adhuc habet. Vnde non injuriâ,  
 rum de Imagine Deiparæ Lindensis, de qua cap. seq.  
 tum etjam de ipsa Tilia Mariana suo modo usurpari  
 potest, quod de Diva Aspricollensi (a) scriptum Li-  
 plius reliquit. *Sed evenit, & candidè fatendum est, ut di-  
 cta Imago illa, sive statua perierit; incertum quâ vi, aut ca-  
 su; nisi quod suspicio pradones culpat, in iis lustris assiduos  
 per hac bella, non solum crebras. Ea amissio incidit circa  
 Annum M. DLXXX. ut aiunt, & conspici ibi Diva desuit, sed  
 non coli. Veniebant enim nihilo segnius ad locum, loculam-  
 que vacuum; & opem ac solatium etiam inveniebant. Quis  
 miretur, aut culpet? Persæ, Regis sui sellam venerati sunt,  
 quia Maiestas illa in sedisset, & attractu velut sacrasset; cur  
 non liceat piis, loca Numini electa, & consecrata? nec ta-  
 men Quercum illam (nemo censeat) ob ipsam; sed in ea sta-  
 suam, & in statua Divam, in hac DEUM venerati sunt, &  
 adora-*

(a) cap. 4.

adorarunt. Nec in statua sanè propriè vis aut virtus  
res hîc docuit eâ amissâ, & mox mutatâ.

## CAPUT VII.

Novorum in Prussia Iconoclastarum furor in sacras Imagines  
quid ab iisdem B. V. Lindensis Imago experta.

**N**emo unquam fuit, qui in DEI, DEIPARÆ, &  
rumvè sanctorum Imagines, manum calami  
vè strinxerit quin idem vel gentili barbarie fuerit  
feratus; vel Judaicâ, Turcicâ, Magicavè impletus  
pollutus; vel aliorum sordibus vitiorum inquinatissimus: ut vel hinc censere, atque æstimare facile  
vis liceat, de eorum Iconomachorum atque Iconoclastarum vitâ & moribus, qui uti aliorum sanctorum  
rum Imaginibus, ita & B. V. Lindensis admirabilis  
Iconi, violentas juxta ac sacrilegas manus intulit.  
Primi in VII. Synodo Act. v. Iconomachorum  
men meriti sunt Judæi; sed Judæi erant; è quo  
tribu tempore Justinii junioris, Samaritani quidam  
Ecclesiam alicubi invaserunt, & in Christi cælestibus  
que Imagines ferocissimè grassati sunt; uti ex Epistola  
la Simeonis Eremitæ, in eadem Synodo, patet.  
Annum Domini D. C. Mahometes in Alcorano  
15. & 17. Imagines omnes sustulit; sed quid post  
primo Turcicæ barbarici parente expectari  
Paulò antè sub Zenone Imperatore fuit Xenophanes  
quem Nicephorus (a) & Cedrenus in Compertio  
Iconomachorum Principem appellant: sed Xenophanes  
ut Bellarminus Tomo 2. de Reliq. Sanct. (b) inquit  
fuit homo Persa, & Barbarus; imò & servus fugitivus

(a) lib. 16. cap. 17. (b) lib. 2. cap. 6.